



Cynllunio Trafnidiaeth Rhanbarthol

CYLCH GORCHWYL

Cyffredinol.

5.1 Yn amodol ar Reol 5.5. isod, gall y CBC drefnu i gyflawni ei swyddogaeth trwy:

- 5.1.1 Is-bwyllgor;
- 5.1.2 Aelod o staff;
- 5.1.3 Unrhyw gyd-bwyllgor corfforedig arall;
- 5.1.4 Unrhyw gyngor sir neu fwrdeistref sirol yng Nghymru.

Aelodaeth

- 5.2 Gall is-bwyllgor a benodwyd gan y CBC gynnwys, neu fod wedi'i gynnwys yn llwyr, gydag unigolion nad ydynt yn aelodau o'r CBC.
- 5.3 Rhaid pennu swyddogaethau'r is-bwyllgor, nifer yr aelodau mewn is-bwyllgor a thymor pob aelod yn y swydd gan y CBC a gall yr is-bwyllgor ond ymarfer y swyddogaethau hynny fel y dirprwyir hwy iddo gan y CBC.

Dirprwyaeth

- 5.4 Yn amodol bob tro ar Reol 5.5 isod, mae'r CBC yn dirprwyo penderfyniadau gweithredol ar gyflawni ei swyddogaethau ac unrhyw beth sy'n ofynnol i hwyluso neu sy'n ffafriol neu'n ddeilliadol i gyflawni ei swyddogaethau fel y dynodir yn Adran 7.
- 5.5 Ni all y CBC ddirprwyo unrhyw un o'r canlynol i unrhyw unigolyn nac is-bwyllgor arall:
 - 5.5.1 Ei swyddogaeth o ran datblygu polisiâu dan ddarpariaethau perthnasol Deddf Trafnidiaeth ("Swyddogaeth Polisi Trafnidiaeth");
 - 5.5.2 Ei swyddogaeth o ran llunio Cynllun Datblygu Strategol dan ddarpariaethau perthnasol Deddf Cynllunio a Phrynu Gorfodol 2004 (y "Swyddogaeth Cynllun Datblygu Strategol");
 - 5.5.3 Y penderfyniad i gytuno ar gyllidebau CBC a chyfyngiadau Cyngorau sy'n aelodau a'r Parc Cenedlaethol;
 - 5.5.4 Y penderfyniad i sefydlu is-bwyllgorau CBC; a
 - 5.5.5 Phenderfyniadau a chyfrifoldebau penodol eraill a ddynodir yn y Rheoliadau Sefydlu.

Rheolau sy'n Berthnasol i Bob Is-bwyllgor.

5.6 Mae'r Rheolau canlynol yn berthnasol i bob Is-bwyllgor:

- Rheol 4.29 i 4.30 (Lleoliad Cyfarfodydd)
- Rheolau 4.31 i 4.35 (Rhybudd o Gyfarfodydd a Gwysion i fynychu),
- Rheolau 4.37 i 4.38 (Mynychu o Bell)
- Rheol 4.40 (Cynigion Cau)
- Rheol 4.41 (Mater o Drefn)
- Rheolau 4.42 i 4.43 (Esboniad Personol)
- Rheol 4.44 i 4.46 (Datganiadau o Ddiddordeb)
- Rheolau 4.47 i 4.49 (Mynediad at Agenda ac Adroddiadau Cysylltiedig),
- Rheolau 4.50 i 4.52 a 4.54 i 4.55 (Cofnodion),
- Rheol 4.60 (Ffilmio, Recordio Clywedol a'r defnydd o Gyfryngau Cymdeithasol yn ystod Cyfarfodydd)

Tudalen 41

Rheolau 4.62 (Archwilio a Chyhoeddi Cofnodion a Dogfennau Eraill wedi Cyfarfodydd), a

Rheolau 4.63 Mae (Iaith a Chyfieithu) yn berthnasol i gyfarfod is-bwyllgor y CBC fel y maent yn berthnasol i gyfarfod y CBC.

Rheol 8.7 (Hawl i'r Cyhoedd i Fynychu)

Cworwm

5.7 Rhaid i o leiaf un chwarter o aelodau'r Is-bwyllgor fod yn bresennol ym mhob cyfarfod a rhaid i Aelod o Barc Cenedlaethol Bannau Brycheiniog fod yn bresennol:

5.7.1 mewn cyfarfodydd lle mae'r Cynllun Datblygu Strategol yn cael ei drafod; ac

5.7.2 ar gyfer penderfyniadau i newid gweithdrefnau pleidleisio mewn perthynas â'r Cynllun Datblygu Strategol.

Pleidleisio

5.8 Mae un bleidlais gan bob unigolyn sydd â hawl i bleidleisio.

5.9 Bydd unrhyw bleidlais yn cael ei phenderfynu gan benderfyniad y mwyafrif.

5.10 Lle mae'r bleidlais yn gyfartal, y cadeirydd sydd â'r bleidlais fwrw.

Is-bwyllgor Cynllunio Trafnidiaeth Rhanbarthol.

5.13 Dylai'r CBC benodi Is-bwyllgor (a adwaenir fel Is-bwyllgor Cynllunio Rhanbarthol) o ymarfer datblygu polisiau trafndiaeth dan adrannau 108(1)(a) a (2A)(a) Rhan 2 Deddf Trafnidiaeth 2000.

5.14 Dynodir Cylch Gorchwyl yr Is-bwyllgor Cynllunio Trafnidiaeth Rhanbarthol yn Atodiad B a gellir diwygio'r cylch gorchwyl hynny gan y CBC o bryd i'w gilydd.
Is-bwyllgor Cynllunio Trafnidiaeth Rhanbarthol – Cylch Gorchwyl

B1. Cyflwyniad

- B1.1 Mae Llywodraeth Cymru wedi dwyn ymlaen y Rheoliadau Cyd-bwyllgorau Corfforedig (**Swyddogaethau Trafnidiaeth**) (Addasiadau Canlyniadol a Darpariaethau Trosiannol) (Cymru) (Rheoliadau Swyddogaethau Trafnidiaeth 2022).
- B1.2 Mae Rheoliadau Swyddogaethau Trafnidiaeth 2022 yn newid y cyfrifoldebau dros swyddogaethau dan Adran 108 Deddf Trafnidiaeth 2000 gan symud y cyfrifoldeb dros gyflwyno cynllun trafndiaeth oddi wrth yr awdurdodau lleol i'r Cyd-bwyllgor Corfforedig ac yn diddymu Gorchymyn Cynllun Trafnidiaeth Rhanbarthol (Cymru) 2014.
- B1.3 Sefydlwyd pwyllgor ar y cyd gan y Cynghorau sy'n Aelodau i oruchwylio a chydlyn cyflawni rhwymedigaethau'r Cynghorau o ran Cynllunio Trafnidiaeth Rhanbarthol.
- B1.4 Bydd y CBC yn penodi Is-bwyllgor Cynllunio Trafnidiaeth Rhanbarthol i gynghori'r CBC ar ei swyddogaeth Cynllunio Trafnidiaeth Rhanbarthol. Bydd yr is-bwyllgor yn gyfrifol am wneud yr argymhellion angenrheidiol i'r CBC o ran cyflwyno Cynllun Trafnidiaeth Rhanbarthol ar gyfer y Cynghorau sy'n Aelodau.

B2. Cyfansoddiad Cynllunio Trafnidiaeth Rhanbarthol

- B2.1 Bydd cyfansoddiad a swyddogaethau'r Is-bwyllgor Cynllunio Trafnidiaeth Rhanbarthol yn cynnwys 6 aelod, 3 o bob un o'r Awdurdodau sy'n Aelodau. (i gynnwys aelodau gyda chyfrifoldeb dros drafndiaeth, priffyrdd a datblygiad economaidd)
- B2.2 Dylid ethol Cadeirydd yr Is-bwyllgor o Aelodau'r Awdurdodau sy'n Aelodau a'u cylchredu rhwng yr Awdurdodau ar sail flynyddol.

B3. Argymhellion yr Is-bwyllgor Cynllunio Trafnidiaeth Rhanbarthol

- B3.1 Bydd yr Is-bwyllgor Cynllunio Trafnidiaeth Rhanbarthol yn gwneud argymhellion i'r CBC o ran datblygu Cynllunio Trafnidiaeth Rhanbarthol. Bydd gofyn i'r CBC ystyried yr argymhellion wedi hynny. Os na chaiff yr argymhellion eu cymeradwyo gan y CBC, efallai y byddant yn cael eu cyfeirio at yr Is-bwyllgor Cynllunio Trafnidiaeth Rhanbarthol i'w hailystyried a'u hailgyflwyno i'r CBC.

B4. Cyfarfodydd

- B4.1 Dylai'r Is-bwyllgor Cynllunio Trafnidiaeth Rhanbarthol gwrdd ar sail chwarterol o leiaf, neu ar amllder fel y dylai'r Is-bwyllgor ei bennu o bryd i'w gilydd er mwyn cyflawni ei rôl.
- B4.2 Gall yr Is-bwyllgor Cynllunio Trafnidiaeth Rhanbarthol wahodd nifer o sefydliadau trydydd parti o'r fath i arsylwi Cyfarfodydd yr Is-bwyllgor Cynllunio Trafnidiaeth Rhanbarthol fel y gwel yn dda o bryd i'w gilydd. Gall trydydd parti o'r fath gynnwys unigolion neu gynrychiolwyr o sefydliadau o'r fath a chwmnïau'r sector preifat fel y dylai'r Is-bwyllgor Cynllunio Trafnidiaeth Rhanbarthol benderfynu o dro i dro.

Tudalen 46

- B4.3 Dylai unrhyw drydydd parti a wahoddir i Gyfarfod Is-bwyllgor Cynllunio Trafnidiaeth Rhanbarthol gael hawl i gymryd rhan mewn cyfarfod o'r fath ond ni ddylent allu pleidleisio o ran unrhyw benderfyniad a wneir. Gall y Cadeirydd ofyn i unrhyw drydydd parti sy'n bresennol mewn Cyfarfod Cynllunio Trafnidiaeth Rhanbarthol i beidio â mynychu ychydig neu unrhyw ran o Gyfarfod Cynllunio Trafnidiaeth Rhanbarthol.
- B4.4 Gellir cynnal Cyfarfod Is-bwyllgor Cynllunio Trafnidiaeth Rhanbarthol yn unol â Rheolau 4.29 i 4.30 (Lleoliad) a 4.37 i 4.38 (Cyfarfodydd o Bell).
- B4.5 Bydd cyfarfodydd yn cael eu cynnal yn gyhoeddus a bydd trefniadau i gyhoeddi a chael mynediad at ddogfennau'r un fath â threfniadau ar gyfer y CBC fel y nodir yn Adran 4.

B5. Cworwm

- B5.1 Dylai'r cworwm sy'n angenrheidiol ar gyfer Cyfarfod yr Is-bwyllgor Cynllunio Trafnidiaeth Rhanbarthol gael o leiaf dau aelod etholedig o'r Cynghorau sy'n Aelod neu'r cynrychiolwyr priodol a benodir.

B6. Pleidleisio

- B6.1 Yng nghyfarfodydd yr Is-bwyllgor Cynllunio Trafnidiaeth Rhanbarthol, dylai pob aelod etholedig neu gynrychiolydd priodol a benodir sy'n mynychu cael un bleidlais yr un. Bydd penderfyniadau mewn cyfarfodydd yr Is-bwyllgor Cynllunio Trafnidiaeth Rhanbarthol gael eu cymryd gan bleidlais y mwyafrif mewn cyfarfod cworwm.

B7. Cofnodion

- B7.1 Rhaid cofnodi a llunio cofnodion gweithrediadau cyfarfod yr Is-bwyllgor Cynllunio Trafnidiaeth Rhanbarthol. Rhaid cymeradwyo'r cofnodion gan yr unigolyn sy'n cadeirio cyfarfod yr Is-bwyllgor neu'r unigolyn sy'n cadeirio'r cyfarfod addas nesaf o'r fath trwy arwyddo'r cofnodion, neu trwy arwyddo cymeradwyaeth yn electronig.

B8. Gweithrediadau Cyfarfodydd

- B8.1 Bydd Rheol 5.6 uchod yn berthnasol i gyfarfodydd yr Is-bwyllgor Cynllunio Trafnidiaeth Rhanbarthol.
- B8.2 Dylai aelodau'r Is-bwyllgor Cynllunio Trafnidiaeth Rhanbarthol fod yn destun y Cod Ymddygiad i Aelodau.
- B8.3 Gellir ail-drefnu, canslo neu gellir trefnu cyfarfodydd ychwanegol gyda chytundeb y Cadeirydd.
- B8.4 Bydd pob cyfarfod yn cael ei gofnodi trwy lunio nodiadau a fydd ar gael i'r cyhoedd ar-lein wedi'r cyfarfod heblaw am unrhyw wybodaeth gyfrinachol neu wedi'i heithrio. Fe fydd nodiadau'r cyfarfodydd fel arfer yn fyr, gan gynnwys crynodeb o drafodaethau, pwyntiau gweithredu ac argymhellion.
- B8.5 Nid corff gwneud penderfyniadau yw'r Is-bwyllgor Cynllunio Trafnidiaeth Rhanbarthol i gyflwyno Cynllun Trafnidiaeth Rhanbarthol a dylai'r Cadeirydd anelu tuag at hwyluso cytundeb cydsyniol ar faterion dan ystyriaeth. Lle na ellir cyrraedd cydsyniad, dylai'r Cadeirydd gyflwyno safbwyntiau rhanedig y pwyllgor i'r CBC.

B8.6 Fe fydd y Cod Ymddygiad Aelodau yn Adran 9 yn berthnasol.